

16 APR, 2025

## Perak catat lonjakan hasil, laksana perbelanjaan berhemat

Berita Harian, Malaysia

Page 1 of 2

# Perak catat lonjakan hasil, laksana perbelanjaan berhemat

Sultan Nazrin bertitah kutipan hasil tahun lalu cecah RM1.33b melebihi sasaran ditetapkan

Oleh Muhammad Zulsyamini Sufian Suri  
bhnews@bh.com.my

**Ipo:** Kutipan hasil Perak tahun lalu merekodkan angka melebihi sasaran mencecah RM1.33 bilion, meningkat RM118.5 juta berbanding direkodkan pada 2023.

Sultan Perak, Sultan Nazrin Muizzuddin Shah ketika berkhidmat bertitah, kerajaan negeri juga untuk tiga tahun berturut-turut berjaya menutup Akaun Hasil Disatukan dengan kedudukan surplus, termasuk surplus sebelum diaudit RM45.62 juta pada 31 Disember 2024.

Meskipun mencatatkan kutipan hasil memberangsangkan, baginda bertitah usaha meningkatkan kutipan hasil akan terus diteroka sementara perbelanjaan dikawal secara berhemat.

"Beberapa inisiatif dilaksanakan bertujuan meneroka potensi baharu hasil negeri, antaranya pemantapan pengurusan serta penguatkuasaan pengurusan sumber air di bawah Enakmen Sumber Air Perak 2023 dan mengenakan Caj Perkhidmatan Tempatan di bawah Enakmen Hotel 2023.

"Royalti industri perlombongan unsur nadir bumi bukan radioaktif (NR-REE) dijangka memberikan sumbangan hasil baharu yang signifikan, (sementara) lang-



Sultan Nazrin Shah diiringi Menteri Besar Perak, Datuk Seri Saarani Mohamad berkenan memberi tabik hormat kepada anggota Kawalan Kehormatan Utama sempena Istiadat Pembukaan Rasmi Mesyuarat Pertama Tahun Ketiga Dewan Negeri Kelima Belas di Bangunan Perak Darul Ridzuan, semalam.

(Foto L.Manimaran/BH)

kah memberi milik tanah-tanah kerajaan negeri di tapak hidro dan bangunan Tenaga Nasional Berhad sedia ada, akan memberi nilai tambah kepada hasil negeri.

"Premium tambahan juga bakal diperoleh melalui projek-projek pembangunan dan pemajuan tanah perindustrian dan perumahan berimpak tinggi," titah baginda sempena Istiadat Pembukaan Rasmi Tahun Ketiga Dewan Negeri Perak Ke-15, semalam. Turut berangkat, Tuanku Zara Salim

Dalam pada itu, Sultan Nazrin bertitah Hala Tuju Ekonomi Biru dilancarkan sebagai pendekatan strategik mengembangkan potensi ekonomi biru secara mampan, bagi mencapai hasrat memakmurkan sumber laut dan mengurus sumber marin secara lestari.

**Premium tambahan juga bakal diperoleh melalui projek-projek pembangunan dan pemajuan tanah perindustrian dan perumahan berimpak tinggi**

Sultan Nazrin Muizzuddin Shah

### Bangun sektor ekonomi biru

Usaha membangunkan sektor ekonomi biru juga, titah baginda akan direalisasikan melalui pembangunan sektor utama dan pemerkasaan sains, teknologi dan inovasi serta pemerkasaan pengurusan pemuliharaan marin.

"Usaha membangunkan bandar pintar dirintis melalui 'Blueprint Bandar Pintar 2040' yang menekankan elemen penduduk, di mana Majlis Perbandaran Manjung dan Majlis Daerah Kampar berjaya meraih status 'Smart City Early Adopters' menerusi Anugerah Penarafan Bandar Pintar 2024.

"Sementara Majlis Bandaraya Ipoh akan menjadi tuan rumah Persidangan Antarabangsa 'Cities Series Windows: Smart Green ASEAN Cities 2025' yang memabitkan 12 bandar raya negara

### PRESTASI KERAJAAN PERAK

**RM8.74 bilion**

Nilai pelaburan diraih 2024  
(naik 2.7 peratus berbanding 2023)

**Lebih 4,000**

Jumlah pekerjaan bakal diwujudkan

**3.1 peratus**

Kadar pengangguran turun  
(suku ketiga 2024)

**Lebih 1.1 juta**

Penduduk bekerja 2024  
(naik berbanding 1.09 juta pada 2023)

anggota ASEAN.

"Amatlah dihargai sokongan Kementerian Komunikasi bersama Suruhanjaya Komunikasi dan Multimedia Malaysia (MCMC) yang bersetuju menyediakan peruntukan kewangan untuk menjayakan pembangunan bandar pintar di Perak," titah baginda.

Dalam usaha mempercepatkan kelulusan projek berimpak tinggi, Sultan Nazrin bertitah pelbagai inisiatif dirintis yang mana usaha itu membantu dalam meningkatkan keyakinan pelabur terhadap Perak.